



E otro Reina y Prins chiquito



Reina di San Nicolas Mable Jacapuchi y Little Miss di Aruba Gina Botta



Miss Credit Union



Prins Pegasaya y
Pancho Bringamosa di Aruba

Emily Oduber Reina ca rnaval di mucha

ORANJESTAD 23 febr.- Mucho mas grandi cu nunca antes den historia di carnaval na Arubatabata e carnaval di mucha dia-domingo atardi ultimo. Despues cu e varios carosanan y gruponan a bin hunto y a worde numera pa senjorita Anita de Cuba di Comite Carnaval encarga cu e parti aki hunto cu su assistentenan, e parada a sali banda di dos'or di ariba plaza Central dilanti Hotel Central. Mas o menos un mil cinco cien mucha a tuma parti na e parada aki.

Miles y miles di hende tabata para banda di e ruta pa mira e bunita parada aki.

Acompaña pa varios steelband e grupo a sali for di dilanti hotel Central ariba caminda pa Wilhelmina Stadion. E ruta a bai door di Nassaustraat, Wilhelminastraat pa stadion caminda un gran publico tabata spera e yegada di e muchanan. Hopi trajenan y flotan original a gana premionan e atardi aki.

Apesar cu hopi dificultad senjor Milo Croes a logra dirigi e parada na un bon final den stadion. E presidente di e comite hunto cu otro miembronan di e comite e atardi aki tabatin manan yen pa dirigi e chikitanan cu a haci un bunita parada e atardi. Des-



Prins Chiquito Herbert Merryweather
den centro Gina Botta y banda di dje
Reina chiquito Emily Oduber.

pues di cu nan a hanja un refresco a yega e momento pa anuncia e Prins y Reina di Carnaval di mucha y alavez e otro ganadornan di e carnaval di mucha.

E prins a bira Herbert Merryweather di Tivoli Club, mientras cu e reina a bira Little Miss Tanki Leendert, esta Emily Oduber; e reina di mucha a worde corona pa Little Miss Aruba, esta Gina Botta. Despues di esaki a sigui e anuncio y entregamento di e premionan na e ganadornan.

Debi na cu varios gruponan no a busca nan premionan ainda nos lo pone e numernan cu a gana

premio aki nan:
Carchi blauw: Numernan 147; 144; 270; 145; 261; 160; 136 y 253.

Carchi geel: numernan 306; 343; 477; 311; 355; 470; 335 y tambe e lungadornan di baseball.

Carchi berde: numernan 531; 527; 528; 661 y 532.
Carchi oranje: numernan 707; 705; tambe buffalo dancers y clowns.

Flotan: numernan 87, 706 y raman chariot.
Premionan di consuelo: numernan 756; 747; 107 y 261.